



UNIVERSITÄTS-
BIBLIOTHEK
PADERBORN

Universitätsbibliothek Paderborn

Corpus Doctrinae Christianae

Melanchthon, Philipp

Lipsiae, 1572

VD16 M 2890

De Primo Praecepto.

urn:nbn:de:hbz:466:1-36094

quam, te quoque reum esse fatearis, ut Daniel inquit: Nobis condempnari debetis, quia non habetis misericordiam vestram, et non estis misericordes. Deinde vocem Evangelij, qua annuntiat remissio peccatorum, applicari petas. Et hac voce te ipsum confoleeris, & ad fidem accende. Tertio, Hunc morem cogites retinendum esse, ut etiam postea, lapsos, cum se emendant, à Deo recipi, & ab Ecclesia recipi possint.

UTILE est autem rudiores ad aliquam generalem commemorationem, iuxta ordinem Decalogi institutam assuefacere. Hæc commemoratio prodest non solum eo, quod tanquam catechesis commoneat recitantes, qui morbi & qui lapsus sint peccata, & qui sint gratias peccatorum, & quid intersit inter forense iudicium & iudicium Evangelij de peccatis, sed etiam quia cogit homines seipsos confidere & agnoscere suos morbos & lapsus, de quibus multi petentes absolutionem ne cogitant quidem. Quomodo autem potest exillere cogitatio, aut dolor aliquis sine mediocri cogitatione de nostris lapsibus, de ira Dei, de poenis presentibus & æternis? Præterea magna pars populi, peccata tantum intelligit illa atrociter delicta esse, quæ publicis supplicijs puniuntur, de falsa inuocatione, de vitijs cordis nihil noverunt. Assuefaciendi sunt igitur homines ad Decalogum, qui cum illas sepe declarandus & illustrandus est à docentibus, tamen assuetus intelligitur à populo, cum quisque suam vitam ad illud speculum conferat, & animaduertit propria errata, Ut:

DE PRIMO PRÆCEPTO.

DEBEREM equidem recte cogitare de Deo, & firma fide stare, hunc unum esse Deum creatorem omnium rerum, & futurum iudicem omnium hominum, qui se patefecit dato verbo suo & missio filio. Deberem vero timore ei obedire, & metere iram eius & iudicium, vera fide eum inuocare propter Filium, & diligere eum, & sentire aliquem grati pectoris motum erga Deum. DEBEREM etiam magnitudine misericordiae, quod se nobis patefecit, quod vere illi genus humanum, vere vult nos saluos fieri: Deberem Filij beatitudinis moueri, quod pro nobis passus est, quod dedit Evangelium, quod promittit Spiritum sanctum gubernatorem & vitam æternam.

SEd hæc omnia leuius mouent animum meum, quam debeat. Sæpe pro suis timeo, sæpe dubito, & quadam perpetua dubitatione, frigidius peto bona à Deo, frigidius inuoco, confido interim rebus presentibus, & quæro præsidia vitæ, neglecto ordine quem Deus præcipit. Sæpe etiam falsa inuocatione errans offendi Deum, inuocaui homines mortuos, putavi magis ad hanc statuam inuocandum esse Deum aut Sanctum, quam alibi. Sæpe nunc quoque, aberro, ne cogitem de vero Deo, qui se patefecit per Filium, nec cogitem de Filio, & de inuocatione. Denique non ardeo inuocatione, ut oportet.